

論

語

詳

解

論語詳解卷九

郝敬

子罕第九○前篇論往聖此與下篇多記夫子之事  
此篇多記聖人心思下篇多記聖人形迹

子罕言利與命與仁

此聖人脩道之教異于世俗與二氏者也。卽顯微無  
間上下一原之旨。世俗攘攘無過利。其高譚素隱無  
過命與仁。聖教惟中庸。溺于利則已卑。窮于性命則  
已高。鶩于高遠者其害不減于近。而利者也。罕少也。  
言卽教也。罕言利。謂不講生殖營牟之計。不較得失。

有無多寡之數。學道言利。有襲取正助之病。爲治言利。蓄害並至。命與仁雖非利。然命是於穆之神。有言卽隔。輕言則使學者耽空守寂。執理而遺事。仁爲道德全體。萬物皆備。而實無一物。輕言則使學者內外失据。誇張而無歸。罕言非不言其文字耳。利不亟稱其事。命與仁不輕洩。其旨言道德。自少言利。然義之和卽利也。言人事自少言命。然人事卽天命也。言爲仁自少言仁。然爲仁卽仁也。人一日無衣食則死。無財用則困。利豈能絕。人生皆命。人心皆仁。二十篇中所言孰非命。孰非仁。大抵上智默識。無往非道。下

言述每因言執不執卽欲是理執卽理亦欲執利則  
著欲執命仁則著理故佛氏有事障理障麤細無明  
之說蹈襲此意聖人忘乎利同乎命渾乎仁無行不  
與正德利用厚生孰匪至教但落言語便多徑竇五  
霸之功名申韓管商之學術言利之害也佛老之荒  
蕩隱怪言命與仁之僻也其道與吾聖人非殊而所  
以立教異故得罪于聖人言不可不慎也不曰不言  
第曰罕言何也利不言其私而言其公命與仁不言  
其上而言其下不言則無述是以謂之罕也

遠老黨人曰大哉孔子博學而無所成名子聞之謂門

弟子曰吾何執執御乎執射乎吾執御矣

黨人以大稱夫子以無名稱大亦似知言者但以博學爲大以無名由博學而憾之非也夫子雖訝其不相知亦喜其畧相似非之不可自任又不可故就其言漫應云爾執猶禮云執技以事上之執守也守一藝反博學也黨人謂博學不成名則守一藝可名也射御皆藝而御尤易執就黨人之言謫之而不貴藝不近名之意自見蓋黨人方以博學爲大聖人以藝當學見道不在博而謂博學爲大者非也名以藝成見德本無名而欲有所成名者非也君子不多豈以

博學爲大。蕩蕩難名。惟無名乃所以大耳。周禮鄉三物。一曰藝。藝有六。獨舉射御者。御使人恭。射使人正。亦正心脩身之一事。古人貴賤通用。詩云。叔善射忌。又良御忌。如羿射。王良造父御。皆成名也。此章與答子路浮海。陳司敗大宰荷蕢之類。語正而寬。約而婉。不強直而人悅服。見聖人氣象。

達巷巷之美稱。凡篇中名字。多因義起。詳見互鄉章。互鄉闕黨。不美之名。此黨人頗知言。故命所居巷曰達。

淮南子云。造父之御。齊輯之于轡銜之際。而急緩之。

于唇吻之和。正度于胸臆之中。而執節于掌握之間。內得于心中。外合于馬志。是故能進退履繩而旋曲。中規取道致遠。而氣力有餘。誠得其術也。○韓詩外傳。孔子云。美哉顏無父之御也。馬知後有與而輕之。知上有人而愛之。馬親其正而愛其事。至于顏倫少衰矣。馬知後有與而輕之。知上有人而敬之。馬親其正而敬其事。至于顏夷而衰矣。馬知後有與而重之。知上有人而畏之。馬親其正而畏其事。故御馬有法。法得則馬和而歡。○射詳第三篇。

子曰。麻冕。禮也。今也純。儉。吾從衆。拜下。禮也。今拜乎上。

泰也。雖違衆，吾從下。

聖人周旋中禮。世俗人以爲反古，違衆。夫子言吾非欲違衆也。如冕用絲，非古。而于禮無傷。功且儉約，可從。則從之矣。惟其有關於名分，如拜上之類，實難苟從。焉得而不違衆。此見聖人中和氣象。從違斟酌不爽，而通融順理，無矯世負俗之意。宜與先進於禮樂章同看，亦無意必固我之一事也。所以記于罕言大哉絕四之間。

麻、麻布，古無木棉。績麻爲布。古人麻冕，絲履。麻地產絲。天產泰象也。冕冠之最貴者。有五等。說詳十五篇。



顏淵問爲邦章。古冕用三十升細麻布爲之。八十縷爲升。三十升二千四百縷也。古者布幅廣四尺八寸爲咫。則是廣三尺二寸。鄭康成謂四字積畫而成。當是三咫之誤。則廣二尺四寸。容二千四百縷。是每寸縷百也。細密難成。不如用絲。功省儉省也。純純絲爲帛也。絲細易麻細難。

禮臣見君有事於堂上。君賜則臣降自西階下。北面稽首再拜。君使小臣辭則升堂。又稽首再拜。乃成禮。未有不入堂。輒拜堂上者。○周禮大祝辨九擗。拜一曰稽首。二曰頓首。三曰空首。四曰振動。五曰吉擗。六

曰凶擗七曰奇卷擗八曰褒擗九曰肅擗擗古拜字  
俯首屈躬交手曰拜稽頓空三者皆言首也振動  
凶三者皆言身也奇褒肅三者皆言手也稽叩也  
以頭擊地也頓首頭著地不叩也空首頭懸空不及地  
也振動拜而戰栗也吉從容平等拜也凶哀痛迫切  
拜也一拜曰奇儀禮君答臣拜之類不再也崇讓曰  
褒卽今鞠躬長揖也肅拜直躬端肅微下其手答  
讓幼之禮卽今婦女立拜也舊解殊未曉詳周禮  
子絕四母意母必母固母我

絕斷也不續曰絕猶周禮大祝九祭七絕之絕橫斷

也人心物欲係累無一息停若非當下斬絕終無已  
時毋戒也四母者各絕之目四者之生如瓜瓞藤蔓  
相續不斷四者之母如林風水月過而不有念起曰  
意期望曰必疑結曰固偏私曰我皆係戀之私情而  
理欲同出因爲心累卽是心用凡夫以此累心聖人  
非離此爲心但各止于其所則意爲無意必爲不必  
固卽不固我卽無我如天地雨暘燠寒不時則恒而  
爲咎不恒則時而爲休絕者不恒也絕非枯槁毋非  
強制所謂無可無不可邵雍謂天根月窟間來往此  
也恒情橫被四者羅織但能于起處卽覺覺卽毋一

卽一一絕而羅織盡解道書云不怕念起惟怕覺遲念起是病不續是藥此也朱子云四者相爲終始起于意遂于必留于固成于我我又生意循環無窮不能逐一毋則不能一切絕大學五傳始誠意諸惡由意作也心如空鑒意從空起諸妄相續聖人寂然不動則意根絕意絕則必固皆絕而無我之體現必與固莫非意聖人用行舍藏素位不願外則必絕不信不果惟義所在則固絕百念總歸一我聖人將我身置在萬物羣中一例看不私耳目形骸則我絕或曰聖人心同大虛焉得有是四者蓋言絕不得不

舉四四本凡情絕卽聖解禪語云但淨凡心別無聖  
解子云吾嘗終日不食終夜不寢以思非意乎始吾  
於人聽言信行今吾於人聽言觀行非必乎  
韶三月不知肉味顏淵死哭之慟非固乎正已  
求於人我則異於是非我乎大抵著則理卽欲不著  
則欲卽理絕四不著也心非土木有意必固我不成  
天理無意必固我不成人心天理不越人心非如佛  
氏云我無一切心然後爲絕也或云必固可存意我  
焉能毋得夫元氣元神非二也氣凝爲形神融爲道  
世人執形骸爲窠臼則情識銅閉不執形骸則同體

虛無凡人死後還空聖人生同虛空何我之有意由  
心主只名爲心由知發名爲知意字从音在心上音  
清也清羹汁也如羹之沸于鼎又意聽也梅醬曰醃  
醞釀酸澀非淡然之味故名意若知至心正靜以待  
感何意之有或曰今人依四母操心重增障累何也  
曰四者有無惟在絕與不絕凡夫假緣不絕卽有聖  
人一絲不挂卽無所謂一絲不挂者無而未嘗無有  
而未嘗有也若厭有離有則有日增執無求無則無  
愈遠聖人無諸所有卽有是無故四者之心在聖人  
分上名寂感在凡人分上名意必固我不言寂感言

意必固我者卽凡表聖也。或曰：凡心何止四？蓋虛靈  
 爲陽陽數奇如三年學三月仁之類皆言善也。邪暗  
 爲陰陰數偶如屏四惡絕四母之類皆言惡也。或曰  
 四時四德惡與曰：四時之四統于春，四德之四統于  
 仁。故四時爲五氣，四德爲五常，不定四矣。

子畏於匡曰：文王旣沒，文不在茲乎？天之將喪斯文也，  
 後死者不得與於斯文也。天之未喪斯文也，匡人其  
 如予何？

此與天生德於予章並看見聖人不憂不懼不惑非  
 託言自寬耳。往聖獨舉文王夫子師文王者也。孟子

文王三五百歲至于孔子聞而知之詩云文王之  
不斁聲色不長夏革不識不知順帝之則又云無然  
匪接無然歆羨誕先登于岸雖雖肅肅亦保亦臨大  
學之言敬止中庸之言純德皆本于文王其贊易本  
文王所演發揮十翼聞而知之皆此類也茲自指也  
不曰道德曰文承文王之文也典章曰文道德之顯  
著也道德不可見典章可見故六籍刪定莫非文也  
斯文者天之心命之府天之不欲喪斯文決矣後死  
者指自今將來死于文王之後者已與來學也死則  
不得刪定來學不得與聞而斯文遂喪矣天佑斯文



必無此事既不欲喪斯文必存我以存斯文匡人其  
如之何哉畏匡在未歸魯之先行藏不定故云將喪  
世有用我闡揚斯文以覲耿光世不宗予收拾斯文  
以貽不朽故曰在茲曰未喪也于桓魋言天生明已  
之必生也于匡人言後死明已之必不死也德成于  
生前故以生承天心論定于死後故以死比往聖本  
尼山布衣而自謂接統前王其自任之重如此在衆  
人非狂則僭矣子貢謂仲尼學文武本此孟子言達  
尊亦本此

匡衛地名在今河南開封府睢州西三十里陽虎曾

暴于匡匡人銜之夫子去衛適陳過匡弟子顏尅御  
顏尅嘗與陽虎俱夫子貌似虎匡人誤以爲虎圍之  
畏危也猶畏途之畏卽孟子所謂有戒心也

大宰問於子貢曰夫子聖者與何其多能也子貢曰固  
天縱之將匠聖又多能也子聞之曰大宰知我乎吾少  
也賤故多能鄙事君子多乎哉不多也宰曰子云吾不  
試故藝

大宰吳大宰詭也多能如釣弋獵較辨海鳥識萍實  
之類大宰所駭異者在多能因多能而擬聖其心疑  
而見鄙故子貢首稱天縱將聖以決其疑言又多能

爲餘事以鄙其所貴也。縱者篤厚之意。縱使無限。卽多意也。將猶帥也。才足以將物而勝之。曰將。知足以帥人而先之。曰帥。猶韓信將兵。多多益善之將。將聖。謂爲羣聖之統帥。羣聖皆其偏裨。而百家衆技皆其卒徒。武庫器仗云爾。故曰又多能也。夫子聞人擬已。難于自任。而不折衷。又恐害道。故不直斥大宰不知。而云大宰知我乎。乎者疑而未信之辭。不言大宰見黜。而云我少賤無位。不習大人之事。未奉教于君子。故嘗多能鄙事。鄙事何足以當聖。而君子者。聖人之徒也。道豈在多。統之有宗。會之有元。得其本卽該末。

不多也。此語可味。云多乎哉。不多也。猶云不多乎哉。多也。一卽萬萬原一。不多。非寡鮮之謂。道實未嘗有一物也。朱子謂三說以子貢之言爲蓋。果爾。夫子何必再言。蓋多能卽是下學。聖雖生知。于能未有不學。而天自縱者。道自不在多。聖亦不廢學。若謂聖由天縱。則學無用矣。天縱又多能。則能不待學矣。將使學者廢學。以聖爲絕德。以多爲先務。故夫子以賤鄙當多。示不足貴也。以多能由幼學。明學不可已也。以君子爲不多。明道有本。不在藝也。琴牢之言。記者承多能鄙事。君子不多。而類記之。古本別爲一章。朱子合

之亦可。而註則非也。子云者，琴牢迷夫子之言也。試用也。夫子嘗言人稱我藝而我惟不用，所以爲藝德成而上也。藝成而下也。大道不器，其取不窮。齒藝有方，其數易竭。使吾挾術以歷試于用，用無窮而術有限。何藝之能吾惟不以藝用，則所用無非藝。卽多而不多之道也。昔人謂夫子智過萇弘，勇服孟賁，足躡郊菟，力扛城關，而技不稱，勇不聞，卽吾不試之謂也。又云：愚人智少，事多動而必窮；聖人智多，守約舉而必榮。卽故藝之謂也。解者以不試爲不見用于世，故藝以徵少賤，多能甚無謂也。道本一貫，不用卽一一

故不測不測卽藝與下草無知空空意相通故類記  
之子言言將聖又多能恍惚此意所以爲億中

疏云當時唯吳宋二國上大夫稱大宰此吳大宰嚭  
也左傳哀公十二年會于橐臯吳子使大宰嚭尋盟  
公使子貢對以免又子貢嘗適吳故知此爲吳大宰  
○說苑子貢見大宰嚭嚭問曰孔子何如對曰臣不  
足以知之曰不知何以事之曰唯不知故事之夫子  
其猶大山林也百姓各足其材焉曰子增夫子乎對  
曰夫子不可增也賜猶一累壤也以一累壤增大山  
不益其高且爲不知曰然則子有所酌也對曰天下

有大樽而子獨不酌焉。不識誰之罪也。

宰。孔子弟子。姓琴。字子開。一字子張。衛人。莊周謂與子桑戶。孟子及三人爲友者。左傳云。琴張聞宗魯死。將往弔之。仲尼曰。齊豹之盜。而孟縶之賊。女何弔焉。琴張卽宰也。

子曰。吾有知乎哉。無知也。有鄙夫問於我。空空如也。我叩其兩端而竭焉。

此章言道本易知。聖人所不知。卽愚夫所可知。教者與學者。昧昧相證。自然神契。見聞知解。虛靈之障也。聖人無知。非謙。是實語。卽上章不多不試之意。聖心

如空鑒無見聞知解先主于中學者以多識窺聖人  
挾見聞知解求正非莫逆之契曾不如權然鄙夫不  
失其赤子之心易于開發也空本聖心無知之天鄙  
夫亦復無知空與空遇是謂空空如兩燭交映同體  
無礙擊空曰叩如叩鐘叩戶鐘實無響室喧無聞靜  
自聞聲虛自生響其指鄙夫凡空有微合兩兩中藏  
端當斯空空之際我彼各有兩端鄙夫來問兩端方  
閉所謂知其一不知其二也聖心一神化兩彼叩我  
空我以空遇還復叩彼所謂啟其憤發其排舉一反  
三便是兩端開如齊王不能解于孟子何擇之難是



靈局暫閉。孟子語以仁術。王心戚戚則兩端立。見兩者虛之邪甲也。果實甲皆兩。以舍生烝未叩如秋冬。堅合生幾未達。既叩如雷始發聲。孚破甲拆混沌。遂分。此是非之心。人皆有之。人有知。愚覺無先。後不慮之良聖。凡非殊。但能虛以待虛。其應自妙。以爲虛。其悟自神。教者非能捐一物。補問者而以虛。爲教所竭矣。問者未嘗受一物于教者。而以虛愛聽。爲所貴。無知空空。以此蓋聖人。雖爲凡夫。師而良知一竅。同爲道義之門。闔則失兩。啟則見端。抱空而來。天牖不發。棄空往叩。靈鑰自啟。教學所以相與于無相。

與也。陸子靜云：與有意見，人說話最難入。游夏諸子見解多，而中各有鄙夫之空。聖人皆叩其牝，而不能虛受。反謂聖人多知，有隱。据此無知，既歸夫子，則此鄙夫合屬顏淵。其愚不可及也。故其鄙不可及也。有知之知，見解識情耳。無知之知，廓然空明。非知亦非不知，以爲知者未離于知，以爲不知者未離于不知。此心此理，自然而然，非知不知之所及。是謂無知。子思云：雖聖人亦有所不知焉。如目之視耳之聽，手之持足之行，知無所知，無所知。知聖人不識不知，亦復如是。

道體惟一其端名兩不叩則一空所含也叩之斯兩空所分也故三才皆兩兩一相參至于巧曆不能算一陰一陽謂道天地之兩端也無可無不可謂道聖人之兩端也不學而能不慮而知人心之兩端也夫子教子貢曰夫言豈一端而已各有所合聖教之兩端也兩端猶兩在易云上下無常周游六虛不可爲典要故變化必兩而後見在天爲寒暑晝夜在人爲生死呼吸在物爲雌雄牝牡在事爲是非得失在學爲上下本末顯微內外兩端卽一貫一而兩兩而一混兮闢兮之道也乾知故一坤能故兩一闢一闢易

之門戶。大道無方體。聖人惡執一。兩者中所自出也。  
子莫執中。舉一廢百。大舜用中。執其兩端。中者兩之  
虛中。以虛存。老子云。當其無。謂之谷。神謂之玄牝。叩  
兩者叩其中虛。所謂谷神不死者也。谷牝皆兩象。玄  
由牝出。神由谷生。是曰衆妙之門。皆踏襲聖言而敷  
衍其旨。竭如叩罷響歇。復于無聲。空空本初也。  
子曰。鳳鳥不至。河不出圖。吾已矣夫。

鳳靈鳥。古聖帝在位。鳳鳥時至。伏羲世。河中有龍馬。  
負卦圖出。皆聖人受命之符。亘古所希覩。而夫子所  
思若此。其遠且大也。然則三代以下。中材之主何足

以塞厚望而況于春秋以還之君臣乎已矣夫者絕  
望之辭魯哀公十四年春西狩獲麟夫子年已七十  
有一是年夏齊陳恒弑其君夫子沐浴請討哀公與  
三家不可於是始作春秋遂以獲麟終而請討之事  
沒而不書已矣之歎其在茲時乎

說文鳳字从鳥凡聲鳳飛則凡鳥從家語云羽蟲三  
百六十鳳爲之長山海經云丹穴之山有鳥名鳳凰  
自歌自舞見則天下大安寧蟲經云雄曰鳳雌曰凰  
其雛爲鶯鶯韓詩外傳云鳳之像鴻前麟後蛇頸魚  
尾龍文龜身燕頤雞喙五色備出東方君子之國緯

書鳳有六象頭象天目象日背象月翼象風尾  
尾象緯又鳳有九苞口苞命眼合度耳聽達舌誦  
色光彩冠矩周距銳鈎音激揚腹文戶行鳴曰歸  
止鳴曰提扶夜鳴曰善哉晨鳴曰賀世飛鳴曰郎  
都又云鳳負信戴仁挾義膺文苞智不豕生蟲不  
拆生草不羣居不侶行淮南子云昔者二皇鳳至  
庭謂伏羲神農也三代鳳至門謂堯舜禹也周室  
鳳至澤德彌麤所至彌遠德彌精所至彌近帝王  
世紀云帝嚳擊磬鳳凰舒翼而舞外史云少昊時  
有鳳鳥適至以名官有鳳鳥氏黃帝時鳳凰巢于  
阿閣禮器云升中

于天而鳳凰降。國語云：周之興也，鸞鷟鳴岐。解者遂謂舜時鳳儀，文王時鳳鳴岐山。按虞書云：蕭韶九成，鳳凰來儀。言和氣致祥，非必真有鳳至庭也。國語謂文王鳳鳴岐山，緣于周書君奭云：若造德不降，我則鳴鳥不聞。此周公謂召公不肯畱，使我不聞德音云爾。非鳳鳴之謂也。諸家之說，大抵多附會。漫錄以資多識。

河圖伏羲時，河中地產大馬，八尺以上曰龍馬，背毛色有斑點，五十有五，一六居後，二七居前，三八居左，四九居右，五十居中。聖人觀象，五為參，兩之合居中。

爲數宗一居北中得五外成六二居南中得五外成  
七三居東中得五外成八四居西中得五外成九又  
二五居中之上下中得五外成十又二五合五包孕  
五十五通計圖數實五十有五居中者主數居內者  
生數居外者成數偶者陰數奇者陽數奇偶相配生  
成相得皆自然之法象說詳周易或曰河圖玉也聖  
有黜文似圖本尚書顧命天球河圖生解今觀聖言  
以與鳳鳥同稱明是龜龍之類

子見衣者見衣裝者與蓍者見之雖少必作過  
之必趨



齊衰喪服之重者以纁麻布爲之衣曰衰衣下邊曰  
齊不緝曰斬緝之曰齊不言斬者包舉也冕冠之貴  
者上曰衣下曰裳刺繡爲文章貴人之服禮大夫以  
上皆冕服見之謂夫子坐而見彼人過前彼人年長  
夫子自起雖年少亦必爲起作起也如夫子過彼之  
前必疾趨哀有喪敬有爵矜殘疾而改容也惻隱恭  
敬之心人皆有之惟聖人隨感順應可哀而哀可敬  
而敬從心應矩他人見或冥然罔覺或內有是心而  
外未必有是容或外爲僞容而內無實意惟聖人有  
感必通顯微無間故曰無行不與當與子食於有喪

簡見鄉黨篇同看

喪服衰有五。一斬二齊三大功四小功五總麻。惟斬齊二衰爲父母之服。制同但衣裳下邊。母緝而父不緝。父重而母微殺也。衰以布一片長六寸博四寸。綴衣當胸曰衰。象孝子摧毀也。斬齊皆有正有義。子于父母爲正。臣妾于君父爲義。斬皆三年齊有期。杖有期。木杖有五月。有三月。斬衰布。初喪三升。升八十縷。共二百四十縷。不成布。三月旣葬。卒哭後乃易以成布。六升四百八十縷也。凡冠布緇于衰布。與衰初喪冠布六升。旣葬後以初喪冠六升布爲衰而冠布易。

以七升齊衰初喪布四升冠布七升既葬衰七升冠  
易八升禮所謂受也大功八升小功十升總麻四升  
半數友少功布者功以上布縷不治總布則洗治其  
縷細似朝服布而升數減半耳凡斬衰子麻首經惡  
竹杖絞帶冠繩纓菅茅屨齊衰桌麻經削杖冠布纓  
布帶蕉蒯屨

鄭玄解周禮冕衣裳五等天子冕十二旒衣畫龍山  
雉火宗彝五裳繡藻粉米黼黻四共九章是謂衮冕  
上公與天子同也侯伯鷩冕衣少龍山畫雉火宗彝  
共三裳繡四與前同共七章子男毳冕衣少雉火畫

宗彝而移裳之藻與粉米共畫于衣爲三而止繡黼黻于裳共三章卿大夫玄冕衣玄色無畫惟裳繡黻此鄭玄之說按虞書臯陶謨舜云予欲觀古人之象日月星辰山龍華蟲作會宗彝藻火粉米繡黻絺繡以五采彰施于五色作服之語割強附合今用之其實不盡通詳見周禮

顏淵喟然嘆曰仰之彌高鑽之彌堅瞻之在前忽焉在後夫子循循然善誘人博我以文約我以禮欲罷不能旣竭吾才如有所立卓爾雖欲從之末由也已

此顏子學聖人有得而歸功于夫子也道本諸心達

諸萬事所謂一貫也。徇象逐外其變無方。反求諸己其本惟一。學者外盡其事理之詳而內合乎中正之則。耳目不蔽于外。德性常主于中。內外合顯微。一下學上達。聖人可學而至矣。仰鑽瞻忽四者。設喻聖道之神。初入之難也。三之字。望夫子而言。仰。希冀也。彌。益也。彌高穹隆無上也。鑽。探索也。彌堅精密無內也。瞻。視象也。前後變動無方也。顏子初學。卽知宇宙上下莫匪神化。見聖人生知安行。直欲全體擔荷與之方。駕並驅。蓋天資高材力勇。如驍驍登峻。歷險不知就康莊之可遊也。如鷹隼陵霄摩日。不知下平林之

可集也。徒見道在聖人而不求諸己。苦從入之無門。然後俛然服聖人之善教。循循有次第也。善誘方便引進也。不曰誨而曰誘。所以爲善也。旣欲指其向往。又恐迷其路徑。旣欲正其路徑。又恐阻其機緣。旣欲迎其機緣。又恐偏其好尚。良工苦心。感恩追念。故曰善誘。博文約禮二者。善誘之目。約四教而言也。道之著見者曰文博。謂多聞多見。好古敏求也。禮者履也。天理之儀節。根于心而履于事。五常百行。視聽言動。各有天則可履也。以其散見于典籍。故曰文。以其會合于身心。故曰禮。文散曰博。禮執曰約。文卽博可

見之禮。約禮卽約不見之文。子所雅言。詩書卽文也。執禮卽禮也。終日與言。是博文。克復四勿。是約禮。誦詩讀書。精義窮理。以會諸心。而體諸事。所謂博學於文。而約之以禮也。其在四教。博文卽文也。約禮卽行也。博我約我。卽忠信也。我者。已也。君子求諸已。萬物皆備於我矣。顏子當初。惟知注鵠失子。夫子教以反諸已。博我以文。非博夫子之文也。約我以禮。非約夫子之禮也。道在邇而非遠。功在已而非人。教由夫子。故善誘。稱人學由自己。故博約。稱我于斯。始信高堅。前後不越尋常。日用循循而誘。亦循循而入。雖欲止。

而幾自不容已。蓋夫子善誘二子同也。他人氣濁而累重，誘之未必前。顏子氣清而欲寡，理順而機暢，言無不悅，語口不惰，非真有欲罷之心，而實無強作之勞。善誘使之然也。竭盡也。才力也。顏子天材縱逸，而聖教循循調伏，使順軌而趨，信步長途，曩時陵轍奔驟之氣，潛銷默奪，不見有氣。鬼之可騁矣。學記云：使人不由其誠，教人不盡其材。若夫子誘顏子，乃為由其誠，盡其材矣。伎倆情識既盡，本來天真，斯現。蓋大道不越目前，向為高堅，前後故茫然失措，自博約相尋，祇覺日用感遇，卽神化性命物物見，則事事見。



理是非不能惑利害不能搖小體不能蔽參前顧後  
是曰所立隱而至見微而至顯是曰如有確乎不拔  
儼乎如在是曰卓爾此聖人三十以後五十以前下  
學功盡上達天德之境也欲思勉也從從所立也子  
云從心所欲不踰矩孟子云中道而立能者從之末  
無也由入路也也已者化之之辭立者立于彼從則  
往而合之也蓋道本虛無誠著爲有依傍文禮故成  
卓立從之者將使耳目盡化爲文精神盡化爲禮妙  
合而凝斯則不思不勉與聖同歸而神不可致思化  
不可助長天人境隔凡聖路斷非文禮可及非博約

可用夫子無如回何而回亦無如卓爾何矣故曰未  
由也已雖然是乃真從真由也卽夫子所謂未見其  
止也造詣至此盎然天真出乎不局之戶行乎無跡  
之途匪行邁而千里匪兀坐而安息正乃顏子所以  
終日從于夫子者也說者謂顏苦孔草顏子生平不  
改其樂而未路反苦乎先儒詩云向來枉費推移力  
此日中流自在行纔有蹊徑卽費跋涉欲從末由是  
顏子極樂境夫子善誘斯其至矣蓋道惟中庸德惟  
易簡愚夫可知可能卽聖人所不知不能執而不化  
卽同凡民若有所由依然仰鑽境上故曰知者見之

謂之知仁者見之謂之仁與百姓日用而不知其敝一也博文約禮是應病與藥病痊藥除執藥反病顏子末由已自傾翻藥籠世儒更名顏卓將聖道作題自看誤天下蒼生多矣子云可與立未可與搆搆卽末由也已中道而立能者從之立而不從非能者從而由非從者末由而從從而末由千古一顏子欲從末由卽是欲罷不能至處所謂默而識之與夫子無行不與處相逢在立卓時猶未忘見至此則見諦全忘方爲真得夫子自謂無知謂回也屢空禪語云無一法可得是爲得法蹈襲此意顏子所以幾乎聖

人世儒及講顏子且住從容俟之何異說夢或曰顏子與聖人同與曰聖人從卽是欲顏子欲之而從故一曰從心所欲不踰一曰雖欲從之末由有意無意化與未化毫忽之間耳此章歸美夫子曲成之恩如天地生物父母愛子無以復加所謂回也視予猶父子視回猶子回死曰天喪予此也末二語辭謙讓而旨微妙宛然聖人氣象

子疾病子路使門人爲臣病間曰父矣哉由之行詐也無臣而爲有臣吾誰欺欺天乎且予與其死於臣之手也無寧死於二三子之手乎且予縱不得大葬予死於

言言言  
道路乎

子疾病蓋失魯司寇之後昔爲大夫有家臣今去位故無臣疾甚曰病門人夫子之門人子路同列求赤輩也使爲臣恐其不諱治喪事也禮疾病使人扶病者體廢牀遷于地旣死夷于牀含襲斂殯主人昏迷不治事大夫以下委其臣士庶人委其親友禮扶君射人師僕入師大夫則家臣也子路以夫子嘗爲大夫故使門人爲臣有二意一爲以大夫喪視士庶加隆如子臯死襲用玄冕爵弁之類謂之大葬所以榮之也一爲古人喪師無服臣喪主則義服斬衰三年

故使門人爲臣如君之喪所以哀之也意非不厚然  
禮不豫凶事未死治喪非恥具之仁況聖人與天同  
視生死爲晝夜貴賤如浮雲惟素位而行則生順死  
安大夫死葬以大夫士庶人死葬以士庶人此理也  
卽天也無妄曰天違天曰詐行詐曰欺誰指人也人  
皆知無臣誰爲可欺理本無臣是欺天也生而欺天  
來者可補死而欺天長憾何窮死者人之大歸烏可  
欺也久矣哉者槩素行而言鹵莽妄作勇者之常不  
知而不闕如嘗誨以知之故曰久矣無大夫之位僭  
有位之禮易師弟之寶冒主臣之名當生死之際爲

虛誇之事處師友之間無質直之心先未死之日豫凶喪之禮皆謂之行詐謂之欺天夫子指其甚者耳且所使爲臣者非他人卽二三子也真二三子豈不厚于假家臣何不卽以二三子喪我乃爲假臣以喪我乎此舉甚無謂也手謂遷尸舍襲假人手寧願也葬以大夫有臣曰大葬葬以士庶人無臣曰小葬此世俗人所謂貴賤也然所謂葬者藏也使人弗見也先王因天制禮死者但勿暴尸道路隨分斂手足形懸棺而封骨肉亦歸于土唐杜甫云君看束縛去亦得歸山岡此二三子所優爲也何必遠天挾詐大葬

而後爲葬乎。此又甚無謂也。總之歸于詐而已矣。死於道路言無人葬埋也。詩云行有死人尚或瑾之。月令孟春掩骼埋胔皆謂死于道路者。天下無有死而不葬之人。禮各從宜。貧而富葬賤而貴葬。義不爲也。死而不葬仁不爲也。墨氏薄葬未嘗爲是。佛氏荼毘夷狄之教矣。故欺天大葬與死道路不葬正等。昔人謂桓魋石椁不如速朽。楊虎璠與甚于暴骨。聖賢於生死之際順天時行況一息尚存豈苟焉而已。所以知生則知死善死乃善生。此章當與顏淵死門人厚葬章同看。檀弓云夫子之喪公西赤爲志用三代之



禮飾棺牆置髮設披周也設崇殷也綢切練設旒夏也如此則公西華行詐又甚于子路矣夫子與顏子葬皆不得順天豈聖賢之素心乎

喪大記云疾病內外皆掃君大夫徹縣士去琴瑟寢東首于北牖下廢牀徹藁衣加新衣體一人男女改服屬纊以俟絕氣男子不死于婦人之手婦人不死于男子之手○檀弓曰扶君卜人師扶右射人師扶左君薨以是舉子路使門人爲臣欲夫子死于臣之手以此

子貢曰有美玉於斯韞九匱獨而藏諸求善賈古而沽

諸子曰。沽之哉。沽之哉。我待賈者也。

春秋無邦。夫子難仕。子貢設譬。微諷之。非願夫子求仕也。子禽嘗言求子貢亦非之。此爲不欲韞而言耳。良賈不易逢。故曰求求則有願外急欲之意。言待便允聖心矣。故夫子決已不欲藏。但從容以待。可止則止。可仕則仕。可久則久。可速則速。卽待意也。天生美材。本爲世用。美玉韞藏則無用。君子避世則無爲。故玉當沽。士當出理也。但求賈則玉輕。求用則士賤。知幾適時而已。韞蓄也。匱藏玉之匱。坐販曰賈。善賈爲言。良賈能識至平價者也。美玉須良賈沽賣也。曰我

曰者釋言已所以韞藏之故非爲不沽而然也。藏玉以待良賈。守道以待明君。豈爲不欲仕乎。世儒因此章遂謂夫子周流爲仕非也。爲仕周流則求賈而沽矣。夫子有救世之志。實無求仕之心。夫子仕必諸侯舉國委之。乃可。齊景公一言不用。便接浙行。魯三日不朝。浩然長往。衛靈公問陳。明日遂行。子西阻封。迴轅逐蔡。孔圉攻疾。退遽命駕。當時欲善賈。能沽夫子之王者亦罕矣。車不停軌。正爲天下無地可容。昔舜爲匹夫。一年成聚。二年成邑。三年成都。當時若不遇堯。豈無媚嫉之者。夫子尼山一布衣。而心悅服從者。

尋常行處三千人風聲赫奕君子傾心小人側目如  
麟鳳失所色舉而翔至於萍飄蓬轉乃所以明哲愛  
患知幾不俟終日者也顏子云夫子道大天下莫能  
容不容何害然後見君子子曰回也使爾多財吾為  
爾宰夫子之行藏非顏子孰能窺之故自言曰道之  
不行已知之矣浮海居夷往往發歎魯為宗國三家  
之徒妒忌尤深至于末年幣召乃返自歎吾衰其意  
可知矣所語荷蕢沮溺諸人皆方便解釋一片隱腸  
千古誰語良費不逢其終焉矣下章即以居九夷承  
之此記者測聖人之深

禮記子貢問玉。子曰：溫潤而澤，仁也；縝密而栗，知也。廉而不剝，義也；垂之如墜，禮也；叩之其聲清越以長，其終詘然，樂也。瑕不掩瑜，瑜不掩瑕，忠也。孚尹旁達，信也。氣若白虹，天也。精神見于山川，地也。珪璋特達，德也。天下莫不貴之，道也。管子及說苑諸書往往有此語。小異。○周禮以玉作六瑞，六器。封建朝聘祭享用之。故禮執玉不麻。又白執玉襲。又曰：執玉者不揮，重之也。○大戴記云：玉在山而木潤，川生珠而岸不枯。○尹文子曰：鄭人謂玉未理者曰璞。周人謂鼠未腊者曰璞。周人懷璞問鄭賈曰：欲買璞乎？曰：然。出視。

之鼠也。謝不取。○玉性寒耐火。故易鼎之象取玉鉉。  
淮南子云：鍾山崑崙之玉，炊以爐炭，三日三夜而色  
澤不變，得天地之精也。○尚書傳：堯致舜，天下贈以  
蒼華之玉，夏有琬琰，周有天球。春秋時，魯有璠璵，晉  
有垂棘，宋有結綠，梁有懸黎，楚有和璞。○玉雙曰穀。  
角十曰區，白玉曰瑳，赤玉曰瓊，色曰瑩，美曰璿，瑾瑜  
聲曰玲，瑤瑋瑱瑳，赤者如雞冠，黃者如蒸栗，白者如  
猪肪，黑者如淳漆。○古文三畫均為玉，二畫近上為  
王，加二曲于旁為璽，音栗，攻玉之工。周禮玉人是也。  
隸書加點于旁以別于玉，非古也。

子欲居九夷或曰陋如之何子曰君子居之何陋之有  
九者數之聚也易數一三五相倚爲九凡數極稱九  
如九天九垓九臯九河九重九泉九穀九成九合九  
思之類非必十損一之謂也夷易也慢易無禮化外  
之稱九言其種雜而地遠也春秋世亂天下滔滔五  
霸猖獗假禮義爲盜蕪借衣冠爲羽毛曾不如夷狄  
之無衣冠禮義爲愈夫子所以思居夷而置此惡俗  
于不見不聞寓言耳陋荒僻也或人不知夫子亦不  
暇深言漫應曰君子無地不可居何荒僻之有一腔  
衷曲都未吐露解者謂用夏變夷所居則化與子路

聞喜何異聖人豈真欲居夷吾非斯人之徒而誰與  
聖言多含蓄解者往往失之

風俗通曰夷者觝也蠻者慢也戎者兇也狄者僻也  
皆殊俗之稱不定指何方而王制云東方曰夷南方  
曰蠻西方曰戎北方曰狄解者遂謂九夷在東有九  
種據漢書東夷傳畝夷于夷方夷黃夷白夷赤夷玄  
夷風夷陽夷爲九又云玄菟樂浪高麗滿郎島夷索  
家東屠倭人天鄙爲九范曄云東方之夷天性柔順  
易以道御昔箕子遠渡避地朝鮮施八條之約使人  
知禁回頑薄之俗就寬畧之法故東夷柔謹異乎三



方。孔子懷憤欲居九夷，豈有感于箕子邪？按箕子故城在今遼東，衛古平壤城，去島夷遠，倭人卽今之本。其俗強悍，甚于南蠻北虜，何柔謹之有？甚不足據也。若執九種爲東夷，而尚書云：明王慎德，四夷咸賓。周禮職方云：四夷八蠻七閩九貉五戎六狄。又云：環衛服外五百里，皆爲蠻服。環蠻服外五百里，皆爲夷服。明堂位又云：六戎五狄。爾雅云：九夷八狄七戎六蠻。謂之四海，數皆參差不合。或又曰：東方有君子不死之國，鳳凰所潛，子欲從鳳，尤爲無稽。大抵居夷卽浮海之意。若云居夷定是東方之夷，不知浮海定

是何方之海

子曰吾自衛反魯然後樂正雅頌各得其所

帝王盛世國史採詩樂師掌之諸侯羣臣獻之民間  
歌咏謂之風朝廷獻納謂之雅雅正也宗廟誦揚功  
德謂之頌頌誦也登諸歌工合諸八音協諸舞蹈皆  
謂樂樂聲也容也詩辭也志也猶今人以南北腔唱  
樂府辭腔有聲無辭詩有辭無腔歌詠其辭鼓吹其  
音舞蹈其容而其志與言則存乎詩故詩爲樂章也  
詩正然後樂正凡詩不出風雅頌三體三體之詩皆  
可以爲樂歌在文武成康之世掌故完備及周滅東

遷舊典散佚。孟子謂王者迹熄而詩亡。雖有存焉者。錯亂殘缺。如三家歌。雍亦由失所乘隙僭亂。恬不知非。孟子謂諸侯惡其害已而去其籍也。夫子周流四方。至魯哀公十一年。自衛反魯。道旣不行。乃脩明六籍。刪詩定爲三百十一篇。分屬三經。討其訛謬。翦其浮淫。敘其紊亂。雅歸于雅。頌歸于頌。風歸于風。卽今毛氏所傳古序。蓋夫子手澤也。然三詩獨言雅頌者。何也。朝廷燕饗樂歌以雅。宗廟祭告樂歌以頌。廟朝禮樂之大者。風爲鄉國之詩。諸侯大夫小賓客聘享間用之。惟二南文王之詩。關雎鵲巢采芣采蘋騶虞。

之類射鄉用之。其廟朝大事少有用者。蓋禮樂以宗廟朝廷爲先。古序犁然。但雅頌二詩。易于混淆。如周頌臣工噫嘻。本皆告廟之歌。今朱子執爲戒農官。其辭似戒農官也。閔予訪落。小楚諸篇。皆歌頌成王功德于廟。而朱子執爲成王自述。其辭似成王自述也。凡若此類。皆頌之似雅者。又如小雅鹿鳴。四牡黃華。常棣伐木。以下。雖皆樂歌。祇可用之朝廷燕飲賓客親戚朋友。而不可用之郊廟。如楚茨。卽古采薺。與信南山甫田大田。皆思古以刺幽王。本皆朝廷之雅。而朱子執爲力農奉祭之樂。其辭亦相似也。又如大雅

文王諫文王受命作周也。大明諫文王有明德。天復命武王也。錦諫文王之興由大王也。而國語皆以爲兩君相見之樂。鳧鷖守成也。而朱子以爲釋祭之樂。行葦忠厚也。而朱子以爲祭畢燕父兄之樂。凡此皆雅之似頌者。然古序自明確。而先儒尚爾迷惑。況未正之先。以衆人讀之。其憤憤當何如。故詩苟不經夫子刪。如易不經夫子贊。皆未易解也。然雅頌正矣。不言風。風豈未正乎。曰。關雎之亂。洋洋盈耳。不正。何由洋洋。但可言正。而未可言得所。何者。正之以不正也。詩亡而春秋作。誰毀誰譽。春秋之義。與國風相終始。

也國風首二南其爲掌故之舊乎未可知也邶鄘而  
下多東遷以後之詩非舊明矣十五國次第非舊又  
明矣王本雅而列爲風王室已同諸侯也魯本諸侯  
而無風魯自同於天子也幽本雅而附于先公之舊  
邦所以終二南宗文王反本思先而傷周公之衰也  
故詩亡於東遷之後春秋作于東遷之始天下有道  
禮樂自天子出天下無道禮樂自諸侯出故國風不  
得與雅頌同得所道其實耳且魯以諸侯作禮樂而  
列諸商周二王之間雖頌亦烏可盡爲得所乎聖人  
所以難于言詩也接夫子自衛反魯在哀公十一年

年六十有八矣。吳季札觀魯樂在襄公二十九年。計  
夫子生未十歲。先五十九年所言雅頌次第與刪後  
同。世儒不謂左傳爲後人僞作。而反疑詩序非古。其  
顛倒如此。又何怪乎其改古序也。嗚呼。非穎悟通達  
如商賜者。誰與言詩乎。

子曰。出則事公卿。入則事父兄。喪事不敢不勉。不爲酒  
困。何有於我哉。

大道精微不越易簡。就常行處。檢點虧欠者儘多。恒  
入心。麤罔覺。舍見在而鶩高遠。學所以荒也。聖人生  
知見道無盡。學無盡。尋常人事。所是精義。人神如出。

而在外國有公卿以卑事尊夫誰不然而細思之貴  
賤相形人已相隔事使相待心跡之間或矜持未化  
或隆殺失體或應對失宜豈徒然奉承之必使上下  
交際適得乎以卑承尊之道未容易也又如入而在  
內家有父兄子弟事父兄夫誰不然而細思之孝親  
敬長其道多端責任無窮百行之原自此始人皆有  
父兄爲人子弟而真能孝弟者幾是尤未容易也親  
喪人所同而其事甚勞瘁如始死三日不舉火水漿  
三日不入口晝夜哭不絕聲三月不沐梳而後起期  
而隸始蔬食菜果三年憂不飲酒不食肉寢苦枕塊



居倚禮不入內凡此皆人情所甚苦也雖非勉強可  
為然三年之喪亦已久矣先王制禮不敢不至何得  
言不勉乎至于飲酒亦人之常然飲則必醉醉則亂  
性而喪儀豈酒能困人人酗于酒為所困而不自振  
耳孰有能如禹之惡如周公之誥勿沈湎于酒者乎  
蓋飲不醉為難醉不亂尤難三爵不識則舉止改常  
欲溫恭齊聖顯允令儀亦未易也四者皆非甚高難  
行之事愚不肖可知可能即是聖人所不知不能而  
其精粗顯微之間聖人所不能處與衆人所能處相  
去天壤孟子云動容周旋中禮盛德之至而衆人之

經德祇爲干祿信言祇爲正行哭死祇爲生者若內  
外合一顯微無間則中庸不可能矣堯舜之道惟徐  
行後長夫子謂無行不與空空無知以此大抵恒人  
道理生疎自謂無缺實不見缺聖人自謂未盡實是  
無盡所以下愚蠢率之極上智精微之極聖凡于此  
攸分若但作謙而又謙則聖言爲欺誑矣聖人雖謙  
終無誑語

天子有公卿諸侯有卿無公書周官大師大傅大保  
茲愷三公少師少傅少保曰三孤杜佑謂三公爲公  
三孤爲卿與周禮六官共爲九卿外朝左九棘九卿

之位百三槐三公之位天子三公九卿諸侯大國次國皆三卿小國二卿周衰官職紊亂諸侯僭王邑宰亦稱公矣故儀禮鄉飲鄉射有諸公此所謂公卿者諸侯爲公大夫爲卿也又周禮地官二鄉公一人每鄉卿一人鄉之公卿皆有爵秩而無官府者此言出則事者或此類耳尊貴之通稱非定指三公九卿也○檀弓云魯人有朝祥而暮歌者子路笑之子曰由爾責于人終無已三年之喪亦已久矣夫子路出夫子曰又多乎哉踰月則其善也子夏旣除喪而見子之琴和之而不和彈之而不成聲作而曰哀未忘也

先王制禮弗敢過也。子張旣除喪而見平之琴和之而和。彈之而成聲。作而曰：先王制禮不敢不及焉。曾子謂子思曰：佞吾執親之喪也。水漿不入于口者七日。子思曰：先王制禮過者俯而就之，不至焉者跂而及之。故君子之執親之喪也，水漿不入于口者三日，杖而後起。以上三事，卽喪事不敢不勉之意。

子在川上曰：逝者如斯夫，不舍晝夜。

逝水曰川，流行曰逝。如斯歎辭，猶言何等也。舍與宅舍之舍，同息也。言流行者，若是乎曉夜不息也。九字連綴成文，聖人渾與道合，觸目見真，卽水而非水，歎

道而忘道言水則著象言道則添足易云天行健君子自強不息天行一刻停則造化毀羣生滅聖人與天至誠無息同也故曰道也者不可須臾離就目前指點共見者而言耳若論不舍何必川流人身以內爪生髮長脉動息換一晝一夜一萬三千五百呼吸至死不停天行一晝一夜一百八萬里亘古如斯故天道惟陽而陰亦陽也化機惟動而靜亦動也故曰生生之謂易易者變也動也所謂逝者不舍也離萬物則無以見天萬物之往來不窮卽天命也離萬事則無以見心萬事之屈伸不已卽入心也故水卽是

道見水卽見道然言逝者而不言來者何也逝卽是來易云往者詘也來者伸也尺蠖之詘以求伸也屈以求伸往以致來一順一逆故曰數往者順知來者逆幾非兩也宇宙萬事萬物新新非故易每言攸往不言攸來往之所至卽成來千聖過影百年駒隙常情執而不化聖人所以露消息於逝者也

問宇宙有窮乎上下四方曰宇往古來今日宙是爲無窮然則無窮有窮乎曰無窮亦復何窮是爲太虛虛含炁炁含靈天地是大虛中一點靈炁人物是天地中一點靈炁來則乘虛去則還虛萬事皆然人物

皆然。天地亦然。故道莫大于虛。何以知之。以人心知之。人心卽大虛也。大虛無窮。心量亦無窮。天地在大虛中。微渺耳。人在天地中。愈微渺耳。而大虛不能越人心。則是大虛小無內也。小旣無內。大豈有外。凡有大必有小。有小大必有形。無形則無小。無小焉有大。無大小焉。論窮不窮。盡不盡。故曰大虛也。此理不可由。而但可知。故聖人罕言。

子曰。吾未見好德如好色者也。

傷生之事非一。好色則必死。聖賢非畏死而後窒慾也。脩德則自寡慾。理與慾同出。好德人之秉彝。好色

亦人之恒情能遠色卽是好德不好德只爲有慾故  
先儒云嗜慾忍與不忍便見有德無德兩念相乘正  
念清冷如水邪念熾發如焚其究也一杯之水不能  
制車薪之火愛成而德虧矣未見有人能以理滅慾  
以私易公者故君子脩德當以生身立命之原視德  
而移其欲艷貪慕之念以好德斯好無不篤而德無  
不成矣天下寧有是人乎

自逝者以下六七章皆言進不可止之意好德如好  
色亦是幾不容已恒人好德一時偶合好色則死而  
無悔矣



子曰譬如為山未成一簣塊下止吾止也譬如平地雖覆一簣進吾往也

學不論先後功不論淺深顧立志向往何如苟志不勇卽垂成之業敗乃塗地志勇雖平地為高亦存乎我功宜進不宜止機在已不在人生平向善一念退轉譬如為山將成祇少一簣此何難往而意怠思止卽止矣棄擲由已固非人所能阻也抑生平蹉跎一念乍新譬如平地無因初覆一簣為山雖遠而決計欲往斯往矣奮發由已又豈人能助乎成敗之相違甚遠而行止決于一念一簣之所託甚微而始終關

乎爲山故知功不可作輟而無恒者罔終道不可頓  
造而欲速者不達志決則氣勇功漸則事成勿以善  
小而不爲勿以功高而自足語云涓涓不息流爲江  
河泰山雖高塵壤之積也聖言先止而後進者言止  
以激人之進也荀子云孔子曰如埴而進吾與之如  
丘而止吾已矣正襲此意

膏作蕘塊同禮曰蕘稭土鼓泥草爲鼓椎也下篇云  
荷蕘負土者也孟子云我知其不爲蕘不至無用爲  
塊也古塊作曰字書引荷蕘作荷夷是由字之誤

子曰語之而不惰者其回也與

惰昏怠也。語之不惰猶終日言不違也。與尋常策勵者異。此言授受之際神解默識種子一落心田卽長養發生如乾施坤受不停。若此者惟一顏子蓋其神氣清明義理融洽。天機鼓舞自然時習而悅。恒人累重神昏是生急躁煩惱之病。倦怠願息之想。惰如弱水不能浮芥。學之蠹心之害也。日新又新則生惡可已。易曰：天行健，自強不息，不惰之謂也。

子謂顏淵曰：惜乎！吾見其進也，未見其止也。

進，向往也。止，休息也。與前章進止同。或云：止，究竟也。夫子惜顏子早死不及見其究竟，未然蓋道無止處。

逝者如斯不舍晝夜終食不違乃不去仁不止正是  
進非但欲罷不能是進欲從末由尤是進纔不進卽  
非道夫子老將至猶進也死而後已焉得止至善雖  
可名止進自不得言止易道以艮爲止動靜不失其  
時此聖人用行舍藏之意顏子知幾與同夫子見之  
矣惜乎云者惜其早死也人方進而天歿之儻至六  
十未必不耳順儻至七十未必不從心用行則必有  
功業舍藏則必有作述必不至泯泯而已故惜之非  
惜其學未成也卓爾末由不爲不成矣

子曰苗而不秀者有矣夫秀而不實者有矣夫

此因上章不情不止類記之。聖人每以耕喻學。言作則必成播則必獲也。穀始生曰苗吐華曰秀。給子曰實有矣夫者難必之辭。苟得其養無物不長苟失其養無物不消。初貴有終志貴竟成。雖有嘉種天施地生而力苟不繼鹵莽滅裂或始作而輟或半途而廢或垂成而鮮終等雖不齊同歸于無成幾希雖存涵養不繼同于牯亡有爲者未可恃其在天遂忘其在人也。保所已得而圖所未至庶幾與聖賢同歸耳。子曰後生可畏焉知來者之不如今也。四十五十而無聞焉斯亦不足畏也已。

後生謂年少輩畏猶貴也言其年力有待可以爲聖  
爲賢也來將來也如今如聖賢今日也古者四十曰  
強而仕五十曰艾服官政夫子四十不惑五十知天  
命所謂聞也子云朝聞道夕死可矣聞道聖賢所甚  
貴也後生四五十方來及時自勉則成其可畏苟  
蹉跎不學逮四五十歲月悠悠老猶面牆所謂苗  
不秀秀不實亦復何畏之有言可畏以歆其進言不  
足畏以惕其止甚言學不可不早非謂五十以後遂  
不當學也晉郝超云有道之士指寸陰而惜逝恒自  
強子韋後會子七十以學聞于天下荀卿五十始遊

學公孫弘四十方讀春秋朱雲四十始學易皇甫謐  
二十始授孝經論語蘇洵三十始讀書幼而學如日  
月之光老而學如秉燭夜行亦賢于瞑目無見者耳  
子曰法語之言能無從乎改之爲貴異與之言能無說  
乎釋之爲貴說而不釋從而不改吾末如之何也已  
法語法度之語辭嚴義正是非明白理無可逃雖桀  
傲者焉得不服從猶服也改改行也異風也入也微  
婉諷諭如風入物而物不覺情無所拂雖剛愎者焉  
得不悅釋與釋通解也旣悅則其機欲新不解則其  
故未舍悅而不釋從而不改謂旣與之異言又與之

法語也。悅爲釋機，不釋者昏頑之至也。從爲改路，不改者傲僻之至也。異而又法，則言者之術已窮。不釋又不改，則拒諫之志已決。始不釋不改，猶曰不知知。悅知從，又不釋不改，此明知其非而自遂。明知有善而不納，陽諾陰背，貌柔心險，怙終已堅，而吾說何由。狡黠自用，而忠言無補。故學者必有君子之過之心，因其憤排開導，則機易入。此初學之要，求聞而但有，心于拒諫，飾非口耳，聒聒如無根之木，生意已死，灌溉雖勤，豈能回生。立見枯槁耳。故曰末如之何也已矣。



子曰主忠信毋友不如己者過則勿憚改

解見學而篇

子曰三軍可奪帥也匹夫不可奪志也

志氣之帥也志苟立矣天地鬼神應之況于人乎其  
妻婦人也誓死靡他父母不能奪而況烈丈夫乎故  
曰志士不忘在溝壑君子進德脩業莫先于立志朱  
註云三軍之勇在人匹夫之志在己故帥可奪志不  
可奪上一句形下一句以甚言志不可奪可奪之非  
志也

三軍大國之賦周禮萬二千五百人爲軍天子六軍

大國三軍小國一軍軍有將皆命卿爲之二千五百人爲師師有帥中大夫爲之五百人爲旅旅有師下大夫爲之百人爲卒卒有長上士爲之二十五人爲兩兩有司馬中士爲之五人爲伍伍有長下士爲之又小師徒之職五人爲伍五伍爲兩四兩爲卒五卒爲旅五旅爲師五師爲軍軍萬二千五百人卽鄉遂家之數也家出一人無事居鄉則爲比旅族黨州居遂則爲鄰里鄰鄙縣有事出則鄉遂皆爲伍兩卒旅軍師民卽兵也大國三鄉三遂共七萬五千家而三軍止用三萬七千五百人者民雖多而田不盡賦也

司馬法十六井爲甸。一百二十八家共出一車。徒百人。此惟有千里之封。開方百萬井。乃可辦。孟子王制。謂大國地方不過百里。則司馬法爲衰世兼併之數耳。管子小匡篇。三分齊國以爲三軍。萬人爲軍。教士三萬人。魯頌公車千乘。公徒三萬。解者。據司馬法。蓋桓公之齊。僖公之魯。若太公周公百里之舊。則空國而出。亦不足矣。

子曰。衣敝緼袍。與衣狐貉。霍者立而不恥者。其由也與。不伎。至不求。何用不臧。子路終身誦之。子曰。是道也何足以臧。

衣衣之也。敝壞也。綿在衣內曰溫。古衣與裳殊。袍卽今直身狐貉獸名。其皮毛深宜裘衣之華美者也。立並立也。恥。恥貧也。士志於道而恥惡衣。未足與讓貧富相形。羨人之美麗。恥己之貧陋。凡民則然。子路器識高明。不以服飾美惡撻心。可謂大過人矣。忤。妬害也。求。貪得也。不嫉人之有而害之。不貪人之有而求之。其心公。其守固。用此行已處人。何往不善。此二語。衛風雄雉之詩。子路終身誦之。卽誦此詩也。凡詩曰。誦終身誦之者。書紳之意。終身不忘聖訓。意非不善。而夫子謂是道何足以減。與前言類異何也。前所謂

臧者用此道行之漸進于大公後所謂不臧者執此  
道守之終止于一節道不貴一節而貴全體學不貴  
已能而貴未能道之大尚有進于不攷求而學之敝  
尚有甚于恥貧富者未可執此爲至于穀也攷求在  
凡民爲通病不攷求在學者爲常行不攷近仁不求  
近義而苟充類未盡則不攷止于無欲害人不求止  
于無爲穿窬之心人皆有之以爲絕德而終身自足  
豈得爲臧乎

學詩貴通達故可以興終身誦之執而不變便與風  
人之志違夫子抑子路誦詩與許子貢子夏言詩可

參看後章引唐棣聖人言詩迥出尋常意表  
檀弓子路曰傷哉貧生無以為養死無以為葬家語  
子路見孔子曰昔者由事二親常食藜藿之食為二  
親負米於二百里外故其言志曰願衣輕裘與朋友  
共敝緼袍乃子路實蹟或云設辭美之非也

舊註緼臬著也謂以臬麻著袍中按玉藻云績為  
繭緼為袍練繭為綿曰績績著袍中曰緼敝緼袍舊  
綿衣也士喪禮註疏云新綿為績舊綿為緼非必用  
麻也○爾雅云狸尼狐貉貉貉貉醜其足躡其跡瓜  
紐紐貉貉貉也四獸相似詩云一之日于貉莫取彼狐

記君衣狐白裘錦衣以裼之語云千

羊之皮不及一狐之腋狐腋下毛白以爲裘煖而輕  
子曰歲寒然後知松柏之後彫也

歲寒歲將暮而天氣凝寒也歲寒草木彫落而松柏  
不彫云後者對先彫者言也語云蒲柳之姿望秋先  
零荀卿曰歲不寒無以知松柏事不難無以知君子  
此章卽甯武子知可及愚不可及之意主憂國危平  
日趨勢附利之徒落落星散唯有忠臣義士艱難共  
濟周旋不舍如宋室將亡百官逃散唯文天祥張世  
傑陸秀夫謝枋得數人所謂歲寒知松柏者也尋常

學問雖小人勉強爲善。臨利害生死則盡棄其生平。君子素位而行。顛沛必於是。松柏之心也。有松柏而不養。及乎霜降至。繁華落荆棘滿庭。使松柏獨秀。非世道之福也。有國家者。知之在早耳。

此章語法與川上相似。聖人無擇言。見不執象在川。歎川見松柏歎松柏而意象渾合。若水外更添道松。柏外更添君子便不似。

子曰。知者不惑。仁者不憂。勇者不懼。

知仁勇三者。天下之達德也。惑憂懼三者。人心之通病也。德不可僞爲。必義理精明。疑似不眩。乃爲知。必



安土樂天無惡于志乃為仁必自反常直利害不惕  
乃為勇名雖三德實唯一心不惑不憂不懼皆于念  
慮入微處體勤一毫未盡卽虧全體有蔽斯惑有累  
斯憂有歎斯懼未可襲取也夫子四十不惑事理精  
融顯微合一方為不惑仁則守固行利勇則持志帥  
氣聖人生知自安行而勇不足言故知為先仁次勇  
又次不惑則自無憂不憂則自無懼懼甚于憂憂甚  
于惑孟子不動心之說本此

子曰可與共學未可與適道可與適道未可與立可與  
立未可與權唐棣之華偏其反而豈不爾思室是遠而

子曰未之思也夫何遠之有

共學有志者也適道用功者也立擇善固守者也權從容中道者也有志欲爲聖賢則皆可與共學然必精進勇猛如三省四勿日進不已方可與適道苟不行而坐謀猶未學耳然雖適道而未經歷試則守不定而廢于半途必其利害不移久暫不二然後可與立所謂大人之事立乎其大而小者不能奪也夫子三十顏子竭才而始立學記云九年知類通達強立不及是謂大成然尚費矜持有適莫則不能比義有信果則不能時中時中之謂權權由秤得名秤之

稱物輕重無常。因物順應。而錙銖不差。惟聖人不思  
不勉。巽以行權。而立不足言矣。唐棣四語。古逸詩棠  
棣花。蕊攢簇並蒂。開則反向外。故曰偏其反。詩義取  
花開蒂合。以比人遠心近。夫子引以警權立迹。遠而  
道同。妙用存乎一心耳。心之官曰思。愚曰睿。睿作聖。  
義精仁熟。則左右逢源。學者執情未忘。毫釐之差。頓  
成千里。苟迷途一啟。則上下一貫。始信聖人不知不  
能。卽愚夫可知。可能何遠之有。易曰。天下何思何慮。  
又曰。無思也。無爲也。言不思而得道之至也。又曰。憧  
憧往來。朋從爾思。子云。思而不學則殆。以思無益。言

思爲道之累也。而孟子云思則得，不思則不得，與夫子反詩意正同。蓋以思學無思，以慎思爲思，所謂有事勿正，勿忘，勿助，化立爲權。故曰思之思之，又重思之。思之不得，鬼神通之。至於鬼神通之，則天下何思何慮，不疾而速，不行而至，始可與權。故曰何遠之有。○三千之徒，凡在聖門者，皆稱同學。其間惟七十子是聖賢路上人，可與適道者也。道者中而已，權卽是中學之極至也。坦然正路，而旁岐小徑無數，同在學問內，同此路上行，而究竟千門萬戶，幾人能當聖人中道上立。除却顏曾如雍賜由求輩，卽不無小出入。

至如曾子子夏之後。變而爲吳起。荀卿學孔子。變而爲李斯。豈不適道難保。立不易也。況于執中用權。神化妙境。可易企乎。

銖兩斤鈞石曰五權。造秤先權。秤之垂者曰權。平者曰衡。權先設而衡依以爲平。衡上之數有定而權無定。遇則合而數自不可逃。故衡以比常。垂以比變。衡似物理。權似聖心。孟子云。權然後知輕重。心爲甚。談兵者曰。運用之妙存乎一心。卽思何遠之意。漢儒有反常之說。宋儒以爲害道。故割唐棣以下。別爲一章。按聖人引詩。本取反合之義。他花開則分。惟棣花開

反合猶弓弛向內張反向外故詩角弓與常棣皆言  
偏反以爲兄弟勿遠之比則此章仍合之其意始完  
繫于篇末爲道之極也權不泥常自不得不言反不  
言反常無以形權聖人用權本如常而常人見權則  
如反常人所可聖人無可則與可反常人所不可聖  
人無不可則與不可反聖人所行是道常人所執未  
爲非道但常人祇是立聖人始是權常人之權是秤  
之衡者聖人乃是秤之垂者如淫婦人不可見衡也  
聖人見之爲法天如叛臣召不可往衡也聖人欲往  
爲反正天下無道不當出衡也聖人周流爲避人又

如臣不當放主弑君衛也聖人放殺為撥亂男女不親授受衛也叔接嫂手為拯溺聖人軒天揭地行來皆道所當然時所宜然勢所不得不然賢人不敢行亦是道當然分量宜然規矩不得不然賢人學聖人行不得聖人自然如此行得孔子無可無不可責備伯夷諸人亦無可無不可則無一可矣是謂反常行權即可與立不可與權之分顏子雖不得文禮曾子雖不得忠恕猶是未可與權況後儒以道學當題目著意做作與世路觚稜不相入並所謂立者亦非矣此際神明默識存乎人能與人規矩不能使人巧故

曰思則得之記者繫之篇終明無以加也  
唐棣卽常棣俗呼棠梨梨甘者曰棠澀者曰杜好生  
道旁本草云團葉弱蒂微風大搖花同蒂十餘朵開  
則合併各蕊外向實子味澀故名杜杜寒也澀也澀  
而多刺故詩以杜杜比無兄弟卽棣也梨甘而枝條  
稠順故詩詠常棣比兄弟相親也今人呼梨爲梨呼  
棣爲棠梨梨本棣枝接成故是共本

論語詳解卷九終